



主 編 卞 甫  
副 主 編 陳玉宇

明代基本史料叢刊·文集卷  
(第一輯)

『洪武、建文朝』

五二

綫裝書局

欽定四庫全書

集部六

半軒集目錄

別集類五  
明

卷一

賦

箴

頌

辭

辯

喻

擬

贊

卷二

銘

論

策題

書

文

引

雜著

卷三

記

卷四

記

卷五

序

卷六

序

卷七

說

卷八

題跋

卷九

墓誌銘

卷十

詩

卷十一

詞

卷十二

方外雜體文

補遺

# 方外丈補遺

臣等謹案半軒集十二卷明王行撰行字止仲長洲人少授徒於城北齊門洪武初有司延為學校師後館涼國公藍玉家玉薦之太祖得名見玉誅行亦坐死同時以黨禍誅者惟行與孫賁最有文名然賁特為玉偶題一畫無所攀援於其間其詩今在賁集中亦別無假借溢分之語而行則性喜談兵當元末

兩浙兵起時嘗默坐籌其勝負與所親言之  
恒百不失一二益以自負及藍玉延之課其  
子遂數以兵法說玉頗與密議又與道衍深  
相投契嘗告以盡有所待不當以其法老蓋  
負其桀黠之才有不肯搗死牖下者故其所  
作往往踔厲風發縱橫排界極其意之所馳  
騁而不能悉歸之醇正頗肖其為人詩格亦  
清剛蕭爽在北郭十子之中與高啟稱為勁

敵就文論文不能不推一代奇才也乾隆四

十二年八月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

半軒集卷一

明 王行 撰

賦 歲 頌 辭 辯 喻 擬 贊

隱居賦

古之人有喜寂而憎囂病雕而安朴者敝屣軒乘唾  
視絳組弗移於巨室之富弗撓於王公之勢弗下於  
后辟之尊歛然而遐舉漂乎其高適如風如雲即之  
而罔從底之而莫至也於是彊名之曰隱中世以還

完質浸壞假隱而章資隱而華賓隱而寶耀者駢比  
隱之名始病矣南山屠處士屬時艱危因潛其德抱  
一而幽處悼淳風之就漓惟古道之是慕予甚嘉之  
因為著隱居賦其辭曰

大道邈乎其寥閼兮何斯世之多違始局蹐而錯選兮  
卒紛綸而糾纏肆澆風之彌競兮朴茲離而不完懿夫  
人之孤矯兮抗靈風而高騫日止息乎岑蔚兮架峯嵌  
而崇構欂櫨木蘭而楹杏兮褰薜蘿以重覆甄雨風之可

待兮迺形軀之是休弗暑寒向塞以自蔽兮奚繇垣之  
足周鶴翻翻其忽萃兮或鳴鹿之呦呦騰羣芳之炫春  
兮擷嘉英於素秋義娥亟超而疾鶩兮四運迭趨而莫  
駐晨顙丹而可美兮暮馘黃而可懼爰凝神以葆真兮  
斯含和而茹醇溉金華以植靈根兮漱玉池之芳津謂  
道可靜悟而不可躁得兮時可安而不可為弗矯焉以  
翹翹兮弗塊兮以蚩蚩歎儀鳳之寥寥兮傷鳴韶之竟  
息修遐舉以幽潛兮又寧俟夫終夕笑彼汨夫埃壒兮

若羽濡之莫振守責之弗吾宥兮亦憂并而患臻靡道  
腴之可味兮是擾擾其曷去能相角而技相高兮匪予  
束之攸素組吾嬰而可稅兮馬吾羈而可捐聊相從以  
容與兮於以全吾之餘天亂曰泰無塞兮荃其藏宵獨  
處兮不渝芳爾欲求兮遠周章苟得之兮憂則忘紉而  
佩兮緝而裳靳終焉兮以相羊

別知賦

天蒼蒼其正色兮曾何有乎晦明惟玄雲之闔闔兮斯

下睇之菁菁矧大塊以噫然兮野馬羣驤而上征日月  
忽其從縮兮五緯紛其錯經世棼綸以緯縷兮物相乘  
而相搯葉蓊蓊以于堂兮蕭蔓蔓而為薄蕙華亟歛其  
滋兮桂恐偕零于飛藿大漭寥寥而絕奏兮又安用手  
葩黃醜九苞為愧德兮暈何所售其文章嗟疊疊之弗  
喻兮競抒情而擅長汨霜霰之交披兮迺掣肘之巨芳  
與其他怵怵而復寤兮寧先幾以遁藏且事有殊而不異  
兮物有微而可則也隱所以完夫豹兮屈所以伸夫蠖

也此予之默默以靜俟兮自以信之非惑也紛總總以  
為執墜兮獨大人之貞得也予始潔修之是慕兮荃不  
拒兮以不賢謂需卓卓之行方兮仍逐逐而智圓遊義  
塗以容與兮處仁居而泰然懿茲言之操道兮顧行之  
而不違諒安時以德耀兮抱其全而弗虧甫切偲之是  
賴兮脩告予以別故駟飛鳴而騶騶兮指東南而遐鶩  
鵲𦏧𦏧而孤跼兮鶴徘徊以鳴悲恍予志之若失兮慙  
予心之不夷心不夷兮奈何悵臨風兮浩歌歌曰山川

莽蒼兮長路漫漫淒其雨風兮凝陰沍寒行則甚勞兮  
居孔安係夫人兮速何旃吁嗟乎往不我將兮止不我  
然為我遄歸兮無淹歲年

來月樓賦

莽無垠兮太清離離錯陳兮宿與星寒冥兮灝氣凝皎  
東方兮浮玄精海洋洋兮大波澄廓四表兮同一明我  
居敞兮達四扃月之來兮皓以盈既宵窈兮邃入亦徘徊  
兮孤停鑑薄帷兮射彩度曲房兮流晶雖盈虧之有